



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliarvm Omnium Generalium Et Provincialium Collectio Regia

Ab anno DCXLIX. ad annum DCLXXVI.

Parisiis, 1644

Canones.

urn:nbn:de:hbz:466:1-15300

eo, & ipse Dominus noster Iesus Christus docuit nos, atque sanctorum patrum tradidit symbolum, & generaliter omnes sanctæ & vniuersales Synodi, & omnis probabili-
 ANNO CHRISTI 649.

CANONES.

I.

Canones
viginti Cō-
ciliū Latera-
nenfis sub
Martino
primo, sub
anathema-
te recipien-
di.

Si quis secundum sanctos patres non confitetur proprie & veraciter Patrem, & Filium, & Spiritum sanctum, trinitatem in vnitatem, & vnitatem in trinitate, hoc est, vnum Deum in tribus subsistentiis consubstantialibus & æqualis gloriæ, vnam eandemque trium deitatem, naturam, substantiam, virtutem, potentiam, regnum, imperium, voluntatem, operationem, inconditam, sine initio, incomprehensibilem, immutabilem, creatricem omnium & protectricem, condemnatus sit.

II.

Si quis secundum sanctos patres non confitetur proprie & secundum veritatem ipsum vnum sanctæ & consubstantialis & venerandæ trinitatis Deum Verbum e cælo descendisse, & incarnatum ex Spiritu sancto & Maria semper virgine, & hominem factum, crucifixum carne, propter nos sponte passum sepultumque, & resurrexisse tertia die, & ascendisse in cælos, atque sedentem in dextera patris, & venturum iterum cum gloria paterna cum assumpta ab eo atque animata intellectualiter carne eius, iudicare viuos & mortuos, condemnatus sit.

III.

Si quis secundum sanctos patres non confitetur

ANNO
CHRISTI
649.

proprie & secundum veritatem Dei genitricem sanctam semperque virginem & immaculatam Mariam, utpote ipsum Deum Verbum specialiter & veraciter, qui a Deo patre ante omnia sæcula natus est, in vltimis sæculorum absque semine concepisse ex Spiritu sancto, & incorruptibiliter eam genuisse, indissolubili permanente & post partum eiusdem virginitate, condemnatus sit.

I V.

Si quis secundum sanctos patres non confitetur proprie & secundum veritatem, ipsius & vnus Domini nostri & Dei Iesu Christi duas natiuitates, tam ante sæcula ex Deo & patre incorporaliter & sempiternaliter, quamque de sancta virgine semper Dei genitrice Maria corporaliter in vltimis sæculorum, atque vnum eundemque Dominum nostrum & Deum Iesum Christum consubstantialem Deo & Patri secundum deitatem, & consubstantialem homini & matri secundum humanitatem, atque eundem passibilem carne, & impassibilem deitate, circumscriptum corpore, incircumscriptum deitate, eundem inconditum & conditum, terrenum & cælestem, visibilem & * intelligibilem, capabilem & incapabilem, ut toto homine eodemque & Deo totus homo reformaretur, qui sub peccato cecidit, condemnatus sit.

V.

Si quis secundum sanctos patres non confitetur proprie & secundum veritatem vnam naturam Dei Verbi incarnatam, per hoc quod incarnata dicitur nostra substantia perfecte in Chri-

sto Deo & indimute, absque tantummodo peccato, significata, condemnatus sit.

ANNO
CHRISTI
649.

VI.

Si quis secundum sanctos patres non confitetur proprie & secundum veritatem ex duabus & in duabus naturis substantialiter vnitis, inconfuse & indiuisse vnum eundemque esse Dominum & Deum Iesum Christum, condemnatus sit.

VII.

Si quis secundum sanctos patres non confitetur proprie & secundum veritatem substantialem differentiam naturarum inconfuse & indiuisse in eo saluatam, condemnatus sit.

VIII.

Si quis secundum sanctos patres non confitetur, proprie & secundum veritatem naturarum substantialem vnitionem indiuisse & inconfuse in eo cognitam, condemnatus sit.

IX.

Si quis secundum sanctos patres non confitetur proprie & secundum veritatem naturales proprietates deitatis eius & humanitatis indimute in eo & sine deminoratione saluatas, condemnatus sit.

X.

Si quis secundum sanctos patres non confitetur proprie & secundum veritatem duas vnus eiusdemque Christi Dei nostri voluntates cohærenter vnitas, diuinam & humanam, ex hoc quod per vtramque eius naturam voluntarius * naturaliter idem consistit nostræ salutis, condemnatus sit.

* forte de
est opetu-
tor

X I.

Si quis secundum sanctos patres non confite-
tur proprie & secundum veritatem duas vnus e-
iusdemque Christi Dei nostri operationes cohæ-
renter vnitas, diuinam & humanam, ab eo quod
per vtramque eius naturam operator naturaliter
idem existit nostræ salutis, condemnatus sit.

X II.

Si quis secundum scelerosos hæreticos vnam
Christi Dei nostri voluntatem confitetur & vnam
operationem, in peremptionem sanctorum pa-
trum confessionis, & abnegationem eiusdem Sal-
uatoris nostri dispensationis, condemnatus sit.

X III.

Si quis secundum scelerosos hæreticos, in Chri-
sto Deo in vnitate substantialiter saluatis, & a san-
ctis patribus nostris pie prædicatis duabus volun-
tatibus & duabus operationibus, diuina & huma-
na, contra doctrinam patrum, & vnam volunta-
tem atque vnam operationem confitetur, condem-
natus sit.

X IV.

Si quis secundum scelerosos hæreticos cum vna
voluntate & vna operatione, quæ ab hæreticis im-
pie confitetur, & duas voluntates pariterque & o-
perationes, hoc est, diuinam & humanam, quæ in
ipso Christo Deo in vnitate saluantur, & a sanctis
patribus orthodoxe in ipso prædicantur, denegat
& respuit, condemnatus sit.

X V.

Si quis secundum scelerosos hæreticos deiuri-

lem operationem, quod Græci dicunt *θεωσπιλω*, vnam operationem insipienter suscipit, non autem duplicem esse confitetur secundum sanctos patres, hoc est, diuinam & humanam, aut ipsam deiuiri-
lis, quæ posita est, nouam vocabuli dictionem vnius esse designatiuam, sed non vtriusque mirificæ & gloriosæ vnitionis demonstratiuam, condemnatus sit.

ANNO
CHRISTI
649

XVI.

Si quis secundum scelerosos hæreticos in peremptione saluatis in Christo Deo essentialiter in vnitione, & sanctis patribus pie prædicatis duabus voluntatibus & duabus operationibus, hoc est, diuina & humana, dissensiones & diuisiones insipienter mysterio dispensationis eius innectit, & propterea euangelicas & apostolicas de eodem Salvatore voces non vni eidemque personæ & essentialiter tribuit eidem ipsi Domino & Deo nostro Iesu Christo secundum beatum Cyrillum, vt ostendatur Deus esse & homo idem naturaliter, condemnatus sit.

XVII.

Si quis secundum sanctos patres non confiteatur proprie & secundum veritatem omnia quæ tradita sunt & prædicata sanctæ catholicæ & apostolicæ Dei ecclesiæ, perindeque a sanctis patribus & venerandis vniuersalibus quinque Conciliis vsque ad vnum apicem verbo & mente, condemnatus sit.

XVIII.

Si quis secundum sanctos patres consonanter nobis pariterque fide non respuit & anathematizat
anima

ANNO
CHRISTI
649.

anima & ore omnes, quos respuit & anathematizat nefandissimos hæreticos cum omnibus impiis eorum conscriptis vsque ad vnum apicem sancta Dei ecclesia catholica & apostolica, hoc est, sancta & vniuersales quinque Synodi, & consonanter omnes probabiles ecclesiæ patres, id est, Sabelium, Arium, Eunomium, Macedonium, Apollinarem, Polemonem, Eutychem, Dioscorum, Timotheum Ælurum, Seuerum, Theodosium, Colluthum, * Themistium, Paulum Samosatenum, Diodorum, Theodorum, Nestorium, Theodulum Perfam, Origenem, Didymum, Euagrium, & compendiose omnes reliquos hæreticos, qui a catholica ecclesia reprobati atque abiecti sunt, quorum dogmata diabolicæ operationis sunt genimina, & eos qui similia cum his vsque ad finem obstinate sapuerunt aut sapiunt, vel sapere sperantur, cum quibus merito, vtpote similes eis parique errore præditos, ex quibus dogmatizare noscuntur, proprioque errori vitam suam determinantes, hoc est, Theodorum quondam episcopum Pharanitanum, Cyrum Alexandrinum, Sergium Constantinopolitanum, vel eius successores Pyrrhum & Paulum, in sua perfidia permanentes, & omnia impia illorum conscripta, & eos qui similia cum illis vsque ad finem obstinate sapuerunt, aut sapiunt, vel sapere sperantur, hoc est, vnam voluntatem & vnam operationem deitatis & humanitatis Christi, & super hæc impiissimam echesim, quæ persuasione eiusdem Sergii facta est ab Heraclio quondam imperatore aduersus ortho-

xam fidem, vnam Christi Dei voluntatem, & vnam ex concinnatione definientem operationem venerari; sed & omnia quæ pro ea impie ab eis scripta vel acta sunt, & illos qui eam suscipiunt, vel aliquid de his quæ pro ea scripta vel acta sunt, & cum illis denuo scelerosum typum, qui ex suasionem prædicti Pauli nuper factus est a serenissimo principe Constantino imperatore contra catholicam ecclesiam, vtpote duas naturales voluntates & operationes, diuinam & humanam, quæ a sanctis patribus in ipso Christo Deo vero & Salvatore nostro pie prædicantur, cum vna voluntate & operatione, quæ ab hæreticis impie in eo veneratur, pariter denegare & taciturnitate constringi promulgantem, & propterea cum sanctis patribus & scelerosos hæreticos ab omni reprehensione & condemnatione iniuste liberari definientem, in amputationem catholicæ ecclesiæ definitionum seu regulæ. Si quis igitur, iuxta quod dictum est, consonanter nobis omnia hæc impiissima hæreseos illorum dogmata, & ea quæ pro illis aut in definitione eorum a quolibet impie conscripta sunt, & denominatos hæreticos, Theodorum dicimus, Cyrum & Sergium, Pyrrhum & Paulum non respuit & anathematizat, vtpote catholicæ ecclesiæ rebelles existentes: aut si quis aliquem de his qui ab illis vel similibus eorum in scripto vel sine scripto quocumque modo vel loco aut tempore temere depositi sunt aut condemnati, vtpote similia eis minime credentem, sed sanctorum patrum nobiscum confitentem doctrinam, vti condemna-

tum habet aut omnino depositum, sed non arbitratur huiusmodi quicumque fuerit, hoc est, siue episcopus, aut presbyter, vel diaconus, siue alterius cuiuscumque ecclesiastici ordinis, aut monachus, vel laicus, pium & orthodoxum, & catholicæ ecclesiæ propugnatorem, atque in ipso firmiter consolidatum, in quo vocatus est a Domino ordine, illos autem impios atque detestabilia eorum pro hoc iudicia, vel sententias vacuas & inualidas atque infirmas, magis autem profanas & execrabiles vel reprobabiles arbitratur, huiusmodi condemnatus sit.

XIX.

Si quis ea, quæ scelerosi hæretici sapiunt, indubitanter professus atque intelligens, per inanem proteruiam dicit hæc pietatis esse dogmata, quæ tradiderunt ab initio speculatores & ministri Verbi, hoc est dicere, sanctæ & vniuersales quinque Synodi, calumnians vtique ipsos sanctos patres, & memoratas sanctas quinque Synodos, in deceptione simplicium, vel susceptione suæ profanæ perfidiæ, huiusmodi condemnatus sit.

XX.

Si quis secundum scelerosos hæreticos quocumque modo, aut verbo, aut tempore, aut loco terminos remouens illicite, quos posuerunt firmiter sancti catholicæ ecclesiæ patres, id est, sanctæ & vniuersales quinque Synodi, nouitates temere exquirere, & fidei alterius expositiones, aut typos, vel leges, aut definitiones, aut libellos, aut epistolas, aut conscripta, aut subscriptiones, aut testi-

monia falsa, aut Synodos, aut gesta monumentorum, aut ordinationes vacuas & ecclesiasticæ regulæ incognitas, aut loci seruaturas incongruas & irrationabiles, & compendiose, si quid aliud impiissimis hæreticis consuetum est agere, per diabolicam operationem tortuose & callide agit contra pias orthodoxorum catholicæ ecclesiæ, hoc est dicere, paternas eius & synodales prædicationes, ad euerfionem sincerissimæ in Dominum Deum nostrum confessionis, & vsque in finem sine pœnitentia permanet hæc impie agens, huiusmodi in sæcula sæculorum condemnatus sit. & dicat omnis populus, fiat fiat.

Psalms. 40.
71. 88.
Iudith. 10.
13. 15.

Matth. 13.

Soph. 3.

His itaque a nobis pie promulgatis, & cum omni subtilitate, secundum dominicam præceptionem, zizania quidem & omnes facientes scandala, cum paleato & hæretico intellectu eorum, igni canonicæ sententiæ ex apostolica auctoritate proiicientes, triticum autem orthodoxæ & apostolicæ fidei nostræ Christianorum in horreum, id est, catholicam ecclesiam, per ventilabrum paternæ doctrinæ firmiter congregantes, victrices ei cum propheta Sophonia canimus hymnos: *Gaude nimis, o filia Sion, prædica filia Jerusalem, lætare & exulta ex toto corde tuo filia Ierusalem.* Abstulit Dominus a te iniquitates aduersariorum tuorum, liberauit te de manu inimicorum: *Dominus in medio tui*, non videbis mala ultra, omni explosa nouitate hæretica, & omni confirmata in te orthodoxa fide, in possessione vitæ æternæ. Per ipsum Christum Dominum saluatorem animarum nostrarum, cui gloria, honor, veneratio, imperium cum Patre & sancto Spiritu nunc & semper, & in sæcula sæculorum. Amen. Et subscriptio.

Martinus, gratia Dei episcopus sanctæ catholicæ atque apostolicæ ecclesiæ vrbis Romæ, huic definitioni confirmationis orthodoxæ fidei, & damnationi Sergii Constantinopolitani quondam episcopi, Cyri Alexandriæ antistitis, Theodori item episcopi, Pyrrhi atque Pauli item Constantinopolitani episcopi, cum hæreticorum scriptis, statuens subscripsi.

ANNO
CHRISTI
649.

Maximus episcopus sanctæ Aquileiensis ecclesiæ, huic definitioni confirmationis orthodoxæ fidei, & damnationi Sergii Constantinopolitani quondam episcopi, Cyri Alexandria antistitis, Theodori item episcopi, Pyrrhi atque Pauli item Constantinopolitani episcopi, cum hæreticis eorum scriptis, statuens subscripsi.

Deusdedit episcopus sanctæ Caralitane ecclesiæ, huic definitioni confirmationis orthodoxæ fidei, & damnationi Sergii Constantinopolitani quondam episcopi, Cyri Alexandria antistitis, Theodori item episcopi, Pyrrhi atque Pauli item Constantinopolitani episcopi, cum hæreticis eorum scriptis, statuens subscripsi.

Maurus Cæsenatis ecclesiæ episcopus, & Deusdedit presbyter, locum agentes Mauri sanctissimi episcopi Rauennatis ecclesiæ, huic definitioni confirmationis orthodoxæ fidei, & damnationi Sergii Constantinopolitani quondam episcopi, Cyri Alexandria antistitis, Theodori item episcopi, Pyrrhi atque Pauli item Constantinopolitani episcopi, cum hæreticis eorum scriptis, statuentes subscripsimus.

Sergius episcopus sanctæ Tempfanensis ecclesiæ, vt supra.

Reparatus episcopus sanctæ Manturianensis ecclesiæ, vt supra.

Epiphanius episcopus sanctæ Albanensis ecclesiæ, vt supra.

Benedictus episcopus sanctæ Aiacenensis ecclesiæ, vt supra.

Iulianus episcopus sanctæ * Hortanensis ecclesiæ, vt supra.

Papinius episcopus sanctæ Vibonensis ecclesiæ, vt supra.

Maximus episcopus sanctæ Pisarenensis ecclesiæ, vt supra.

Lucianus episcopus sanctæ Leontinensis ecclesiæ, vt supra.

Viator episcopus sanctæ * Hortonensis ecclesiæ, vt supra.

Bonitus episcopus sanctæ Formianæ ecclesiæ, vt supra.

Maiorianus episcopus sanctæ Prænestinæ ecclesiæ, vt supra.

Germanus episcopus sanctæ Numanensis ecclesiæ, vt supra.

Laurentius episcopus sanctæ Perusinæ ecclesiæ, vt supra.

Carosus episcopus sanctæ Faralitanæ ecclesiæ, vt supra.

Martianus episcopus sanctæ Mebientis ecclesiæ, vt supra.

Barbatus episcopus sanctæ Sutrinæ ecclesiæ, vt supra.

Calumniosus episcopus sanctæ Alesinæ ecclesiæ, vt supra.

Peregrinus episcopus sanctæ Messanenensis ecclesiæ, vt supra.

Romanus episcopus sanctæ Cerellitane ecclesiæ, vt supra.

Crescentius episcopus sanctæ Lucrentis ecclesiæ, vt supra.

Felix episcopus sanctæ Agrigentinae ecclesiæ, vt supra.

Marcellinus episcopus sanctæ Clusinatis ecclesiæ, vt supra.

Geminianus episcopus sanctæ Volaterranæ ecclesiæ, vt supra.

Marinianus episcopus sanctæ Populoniensis ecclesiæ, vt supra.

Luminosus episcopus sanctæ Tifernitiberinorum ecclesiæ, vt supra.

Potentinus episcopus sanctæ Belliternensis ecclesiæ, vt supra.

Maurus episcopus sanctæ Tuscanensis ecclesiæ, vt supra.

Martinus episcopus sanctæ Gabinatis ecclesiæ, vt supra.

Adeodatus episcopus sanctæ * Spoletinae ecclesiæ, vt supra.

Ioannes episcopus sanctæ Pæstanensis ecclesiæ, vt supra.
 Gaudiosus episcopus sanctæ Reatinæ ecclesiæ, vt supra.
 Laurentius episcopus sanctæ Taurianensis ecclesiæ, vt supra.
 Ioannes episcopus sanctæ Trapeianæ ecclesiæ, vt supra.
 Luminosus episcopus sanctæ Salernitanæ ecclesiæ, vt supra.
 Sabbatius episcopus sanctæ Buxentis ecclesiæ, vt supra.
 Ioannes episcopus sanctæ Tarentinæ ecclesiæ, vt supra.
 Rufinus episcopus sanctæ Sipontinæ ecclesiæ, vt supra.
 Adeodatus episcopus sanctæ Amerinæ ecclesiæ, vt supra.
 Gaudiosus episcopus sanctæ Capuanæ ecclesiæ, vt supra.
 Bonitus episcopus sanctæ Ferentinatis ecclesiæ, vt supra.
 Maurus episcopus sanctæ Senogalliensis ecclesiæ, vt supra.
 Maurosus episcopus sanctæ Anconitanæ ecclesiæ, vt supra.
 Bonus episcopus sanctæ Ficuclensis ecclesiæ, vt supra.
 Fortunatus episcopus sanctæ Auximatis ecclesiæ, vt supra.
 Thomas episcopus sanctæ Lunensis ecclesiæ, vt supra.
 Bonitus episcopus sanctæ Ferentispolimartix ecclesiæ, vt supra.
 Maximus episcopus sanctæ Trocalitanæ ecclesiæ, vt supra.
 Paschalis episcopus sanctæ Blandanæ ecclesiæ, vt supra.
 Luminosus episcopus sanctæ Marsensis ecclesiæ, vt supra.
 Gloriosus episcopus sanctæ Camerinæ ecclesiæ, vt supra.
 Decoratus episcopus sanctæ Tiburtinæ ecclesiæ, vt supra.
 Amabilis episcopus sanctæ Hortensis ecclesiæ, vt supra.
 Albinus episcopus sanctæ Portuensis ecclesiæ, vt supra.
 Palumbus episcopus sanctæ Fundanæ ecclesiæ, vt supra.
 Theodosius episcopus sanctæ Contronensis ecclesiæ, vt supra.
 Scholaisticus * episcopus sanctæ Fanensis ecclesiæ, vt supra.
 Elias episcopus sanctæ Lilybatanæ ecclesiæ, vt supra.
 Aquilinus episcopus sanctæ Assisnatis ecclesiæ, vt supra.
 Eusebius episcopus sanctæ Atellanæ ecclesiæ, vt supra.
 Martinus episcopus sanctæ Centumcellensis ecclesiæ, vt supra.
 Iubentinus episcopus sanctæ Stabiensis ecclesiæ, vt supra.
 Maurus episcopus sanctæ Senatis ecclesiæ, vt supra.
 Lætus episcopus sanctæ Lucanæ ecclesiæ, vt supra.
 Theodorus episcopus sanctæ Rosellanæ ecclesiæ, vt supra.
 Andreas episcopus sanctæ Hydruntensis ecclesiæ, vt supra.
 Iustus episcopus sanctæ Taurianensis ecclesiæ, vt supra.
 Felix episcopus sanctæ Panormitanæ ecclesiæ, vt supra.
 Laurentius episcopus sanctæ Tudertinæ ecclesiæ, vt supra.
 Ioannes episcopus sanctæ Carinensis ecclesiæ, vt supra.
 Albinus episcopus sanctæ Signensis ecclesiæ, vt supra.
 Augustinus episcopus sanctæ Squillacinæ ecclesiæ, vt supra.
 Ioannes episcopus sanctæ Rhegitanæ ecclesiæ, vt supra.
 Barbatus episcopus sanctæ Cumanensis ecclesiæ, vt supra.
 Felix episcopus sanctæ Terracinensis ecclesiæ, vt supra.
 Oportunus episcopus sanctæ Anagninæ ecclesiæ, vt supra.
 Firminus episcopus sanctæ Bleranæ ecclesiæ, vt supra.

ANNO
CHRISTI
649.

Iouianus episcopus sanctæ Firmianæ ecclesiæ, vt supra.
Anastasius episcopus sanctæ Narniensis ecclesiæ, vt supra.
Theodorus episcopus sanctæ Tyndaritanæ ecclesiæ, vt supra.
Sapientius episcopus sanctæ Numentanæ ecclesiæ, vt supra.
Maximus episcopus sanctæ * Mefinatis ecclesiæ, vt supra.
Gratiosus episcopus sanctæ Nepesinæ ecclesiæ, vt supra.
Leontius episcopus sanctæ Neapolitanæ ecclesiæ, vt supra.
Opportunus episcopus sanctæ Pisanae ecclesiæ, vt supra.
Donatus episcopus sanctæ Marianensis ecclesiæ, vt supra.
Bonosus episcopus sanctæ Alerinæ ecclesiæ, vt supra.
Peregrinus episcopus sanctæ Liparitanæ ecclesiæ, vt supra.
Boethius episcopus sanctæ Cornensis ecclesiæ, vt supra.
Valentinus episcopus sanctæ Turritanæ ecclesiæ, vt supra.
Luminosus episcopus sanctæ * Bonensis ecclesiæ, vt supra.
Crescis episcopus sanctæ * Libyensis ecclesiæ, vt supra.
Stephanus episcopus sanctæ * Popiliensis ecclesiæ, vt supra.
Callionistus episcopus sanctæ Adrianensis ecclesiæ, vt supra.
Ioannes episcopus sanctæ Vicofabinatis ecclesiæ, vt supra.
Potentinus episcopus sanctæ * Potensis ecclesiæ, vt supra.
Leontius episcopus sanctæ Fauentinatis ecclesiæ, vt supra.
Donatus episcopus sanctæ Sassinatis ecclesiæ, vt supra.
Ioannes episcopus sanctæ Vnnogoritanæ ecclesiæ, vt supra.
Stephanus episcopus sanctæ Dorensis ecclesiæ, vt supra.
Ioannes episcopus sanctæ Gabopolitanæ ecclesiæ, vt supra.
Et Victorianus episcopus sanctæ Vzalenfis ecclesiæ, vt supra.

Et qui post Synodum consentientes subscripserunt:

Ioannes episcopus sanctæ Mediolanensis ecclesiæ, omnibus synodaliter definitis a sanctissimis vobis in confirmationem orthodoxæ fidei sanctorum patrum & vniuersalium quinque Conciliorum, atque depositionem omnium hæreticorum, qui ab eis anathematizati sunt, vel impiæ hæreseos illorum, atque eorum qui nunc exorti sunt in destructionem orthodoxæ fidei, hoc est, Theodori quondam episcopi Pharanitani, Cyri Alexandrini, Sergii Constantinopolitani, & successorum eius Pyrrhi & Pauli, omniumque hæreticorum eorum conscriptorum, vel impiæ expositionis atque scelerosi typi, quæ ab eis confirmata sunt, consentiens subscripsi.

Iustinus episcopus sanctæ Caralitanæ ecclesiæ insulæ Sardinia, vt supra.

Malliodorus episcopus sanctæ Dortonensis ecclesiæ, vt supra.